



Sujet 05: Au mir fahre mit dr Linie 61

I wart bim Michhüsli uf em Bänkli und es isch kalt
Do chunt dr Buss für uf Bänke und macht halt
Ich stig iine und bim Schwane fluech ich los
I hogg im 61er und fahr bärgeb die falschi Schtroos

Es isch ungläublig so e Ticket für dr Buss
I glaub die Type vo de BLT die hänn e Schuss
So e Billett koschtet mi die halbi Wält
Drum fahr ich schwarz und spar mir lieber s'Gäld

Bim Waagebaue do sin mir immer taktisch
Mir versueche einfach alles möglichscht praktisch
Nur i däm Joor hän mir gar nüt baut
Dä Bus hän mir letscht Wuche eifach klaut

D'Schüeler die arme Segg mien nümme stöpple
Si könne jetzt z'Oberwil in 61er höggle
Falls si uf dr Fahrt no meine si miese penne
Mien si halt vo Schönebuech ins Gymi renne

Wotsch du in d'Lätti ein go suffe oder zwäi
Muesch dr eige Chare näh, sunsch chunsch nümme häi
Zwar het's vor dr Bäiz e neu Haltstell gä
Nur am drei am morge chasch dört käi Bus me nä

Paradies, Ziegelei, Tiefegrabe und Hüsli matt
Gartehof, Reservoir, Meiriacker und Mühlematt
So schöni Nämme do merksch die Linie isch uf Zack
Dr beschti Name uf däm Fahrplan isch "im Pfeiffensack"

Willsch Orange muesch zum nögschte Waage go
Denn bi uns duesch Du vergäblig umescht
Mir hän Zitrone die cha me zwor nid frässe
Am beschte duet me die in Longdringg brässe

Hesch käi Billett glöst am Morge
Isch e Busfahrt voller Sorge
Hesch nassi Händ und roti Ohre
Nervös duesch in dr Nase bohre
Vo hinde säit eine, junge Maa
Chönt ich Ihres Billett ha
Wider us em Traum verwacht
Merksch hesch in's Pyjama gmacht

D'Spezi Giftschnägge 2005

www.dspezi.ch